

ILANGANI A : Ilauniaqtunik Naunaikhiyughat Katimakyuarutikhainullu Akikhait

Una Katimakyuaqnahuaqtunut Ilauniaqtunik Naunaiyaiyughat Katimayjit naunaikhiniaqtut arnanik **hivuliqtiuyut hivuliqtiuyumayullu** havaktamingni; kavamaliqinirmi, nanminiaqtuni, nunallaami pivallianirmut, katimayiinni, ayuiqhaqhimayamingni havaamingni, pitquhirmingni iliaqtulluuniit hanaqitjutainni, ilaukuyavut.

Katimayaktuqnahuat naunaiktauniaqtut maliklugit maliktakhat:

- a) Tatja piyumayait uukturumayaillu pivallianrmut hivuliqtiunirmut ayuiqhaqtakhat.
- b) Piyumalutik ikayuklugit arnat nunallaamingni.
- c) Aallanut atuqtitlugit pivigihimayamingnit naunaitkutaniklu tahapkununga nunallamingni ilaayunut katimakyuaruigumik

Katimanahuaqtut akilikhilimaittut akikhanik hunavalungnut pihimayunut katimakyuarutimut. Akiit tingmitjutinut, ublukmi akiliuhiakhat, itiktirvikhatlu akiliktauniaqtut katimatitlugit katimayuaqtuni.

ILANGANI B: Uqaqvigiyaami Naunaitkutikhat (iniqtauyughat ilaunahuaqtumit, pilugu TITIRAQLUGU naunaittumik)

Atia: _____ Nunallaamit: _____.

Havakvik/Havakviuyut/Inungmit (katimayaktutuigikpata havakvingmit) _____

Havaariyaa (piyughaukpat): _____

Hivayautaa: _____

Kayumiktukkut: _____

Tuyugvia: _____ Qaritauyakkut: _____

ILANGANI C : Katimakyuaqnahuat Uqariyakhait

Ataani titiraqhimayut katimatjutikhat piniaqtait katimakyualikkata. Titiraqlugu qiuqutinut piyumayangnut. Piyumaguvit amigaitqiyainnik pingahunit (3), naunaiklugit pilluarumayangnit ihuaqhilugit piyumayangnut (1 pilluarumayangnut pilugu).

Arnat Nipingit Kavamaliqinirmut

Una pivia piniaqtaat ayuiqhaqinirmut qanuq aghuurutinut havakriamingni, munarilugit inuit aalatkiit pitkutainnut aallangayumik pivagainnut, havakatigilugit tuhaqtittiyut, ilaulutiklu kavamaliqinirmut. Naunaiqhiniagtullu ihumagiyauyanik ayuqhautigiyauyaniklu pitjtauuyut kavamaliqinirmut; manikhanut kavamaliqitjutikhangnut, ihuahinahugittugit ihumagilugit piyaghat ayuqhautinut aturianginni.

Arnat Nanminiaqtunut

Una katimatjutikhaat havaktauniaqtuq Pauktuutit-kunit, Inuit Arnat Kanatami havakviinni. Piliuqhimayut naunaikhimayanik havaktauyakhanik nanminiaqtunut pivalliatjutikhanut ikayukhugit Inuit arnat aullaqtirutaanut inmik nanminiriyakhamingnik. Makpiraaaliuqhimayut uuminga Pivalliani q Ihuagqinirmut: Nunaqaqqaqhimayut Arnat Nanminiaqtunut Upalungaiyautikhaat (“Journey to Success: an Aboriginal Women’s Business Planning Guide”) katimapkaihiamlutiklu aatjikkutavyaanit katimavaktut Nunavunmi qaangikhimayuni ukiuni.

Arnat Inmigut Ayuiqpalliatjutait Pivalliatjuttaillu

Una katimatjutikhaat piniaqtait inmikku atupagainik qanuqlu pivagianginnik hivuliqtiulutik; piniaqtaat qiniqhalutit ilvit nipingnik pilutit, naunaikhilutit tikittumayangnik piyumayangniklu havaklugillu aanniartailinirmut inuuhittiarinnullu pitqahiriyat atuqlugu.

Pitquhirmi Hivuliqtiunirmut

Una katimatjutikhaat piniaqtait uqarilugit pitquhingit Inuit pitquhiinni arnat havakpagaiullu ayuiqhaivlutik Inuit kangikhihimayainik ayuiqhimayainiklu, unalu ihuaqtumik ihumagivlugit aanniartailinirmut, ilakatigiiktunut inuuhittiarinirmut ihuaqtumiklu inuulutik inuuhirmingni.

Nunallaami Hivuliqtiunirmut Pivalliatjutikhanut

Una katimatjutikhaat piniaqtait naunaikhitjutigilugu arnat hivuliqtiutjutainut nunallaami ayuiqharlutiklu qanuq titirariamingni uuktuutikhanik; kangikhitjutigilugillu havakpagainut nunallaami katimayinnik; ayuiqhaqlutiklu qanuq inmik katimapkaivagiamingni, miqhuqtittilutik, hunavalukniklu. Ukuat havaktauniaqtut aalatkiinit arnat katimayinnit Nunavunmi.

Arnat Inungnut Pitqutigiyauyunut

Una katimatjutikhaat piniaqtait uqaqtitlugit qanuq arnat Nunavunmi atupagianginnik nunakyuami inungnut pilaarutikhanik maligainik ikayuutigilugit inmik havakpaktamingni nunallaamingnilu ihuaqhiyuumilugit inungnut pilaarutit arnanut. Pitjutikhat arnanut ihumagiyauyut Nunavunmi uqariyauniaqtut atupagainiklu naunaikhilutik kangikhitjutigilugit qanuq ‘kangikhihimalugit pilaarutikhatit’ ikayuutauniaqtut arnanut atuqlugit nipitik nunanut, nunakyuanullu pilugit. Ikayukhirumaguvit, uqaqvigilugu una Qulliit Havakvia uumani 867 979 6690 uumungaluuniit akiligakhaittumut hivayakvianut 1-866-623-0346, unaluuniit Meaghan Marien uumani 867 975 6051

ILANGANI D: Aallat Uuktuptup Naunaitkutait

Naunaiklugu huuq ilauyumayutit uumani katimakyuaqnahuani.

pittaaruvit, naunaiklugu atauhiq arnaq ihuaqtumik havakpaktuq maligakhaklu ilingnut inuuhirngni huuqlu ilvit piyumaviuk piyat.

Katimakyualikkata, katimapkainiaqtugut katimayut uqarianginni ilauhimayuugaluinnik tatjalu kavamaliqinirmut hivuliqtiuyut. Una pitjutauniaqtuq katimayaktuqtunut arnanullu nunallaanit apiqhurianginni tahapkununga ilitariyahimayunut arnat hivuliqtiuyunut. Apiqhuutikaruvit apiqhiyumaguvit, piinnariakaktutit titiraqlutit ataani. Tatja apiqhuutikhaitkuvit kihimi kakugu apiqhiyumaguvit, tuyuinnarialik uumunga mmarien@qns.gov.au kakugulikaak naunaiklugu apiqhuutigiyauqulugu katimayiuyut katimayihimayullu uqarlikkata.

Arnait Nipingit havakniaqtaat una Arnat Hanaugait Miqhaillu unalu Ayuitamingnik tautuktittiniaqtut katimakyuaqtitlugit. Una pitjutiginiaqtaat pitjutikhanut arnanut tamainni Nunavunmi niuvrutigilugit inmik havakhimayatik naunaiktitlugillu ayuitamingnik. Ilauyumaguvit ukununga hulilukaarutainut, naunaiklugu ataani qanuq ikayuqniariakhangnik; tautuktittitlutit hulilukaaklutit imaaluuniit niuvrutigilugit hanayatit miqhatilluuniit niuviktittilikkata.

ILANGANI E: Nutaqqitjutikhanut (una inirtiklugu ILANGANI piyughaukpat)

Katimakyualikkata, nutaqqiqipkainiaqtugut arnanut nutarannuamingnik kagitjinaqtunut nunallaamingnit. Nutaqqiqipkaiyunik atuqnaruvit, iniqtirjavat ataaniittuq naunaitkutakhaq.

Nutaqqiqipkaiyughanik piniaqtugullu tahapkununga Iqalungmiutanut ihuahihimaittumik pihimakpata nutaqqiqiyikhanik nunangani. Una pihimakpat ilingnut, inirtirlugu ataaniittuq naunaitkutakhaq.

Nutaqqap Atia: _____ Ukiunga: _____

Annirvia: _____

Naunaiklugu nutaqqat timmimut naguungirutauyaaktut aallamikluuniit piyaghaqqat:

ILANGANI F: Sainiqvia

Uuktuktup Sainiqvia

Ublua

